

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. IX. Cap. 9. 11. 12. de Clericis non residentibus. Cap. 3. de Sepulturis.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Hospitali sub ejusmodi tutela constituto, uniatur Ecclesia secus se habens, praerogativa Hospitalis non transit ad Ecclesiam.

Ilem Autor fuisse idem argumentum tractat in cap. 4. quod bisā conclusione exponit cum multis ampliationibus, limitationibus, & sublimitationibus, juxta methodum apud Canonistas tritam. Probationes ejus ut plurimum ē Concilii eruntur, & Declarationibus Congregationis Concilii. Distinguuntur inter *Locum Pium*, quo vocabulo eum intelligit, qui bonis operibus absque autoritate Ecclesiae destinatus est; & *Locum Religiosum*, qui ad cultum Divinitutis ab Ecclesia confeatur. A Loco Religioso exorditur, & dicit, nullum esse post Concilium, qui visitationi Episcopi non sit obnoxius, & de cuius redditibus rationes reposcere idem Episcopus non possit. Tum enumerat casus, ad quos extenditur sua propositio. Dicit 1. Eam complecti non solum Hospitalia, Xenodochia, Nosocomia, Orphanotrophia, &c. sed etiam qualibet alia Religiosa Loca, qua sunt in Diocesi. 2. Episcopus hanc facultatem exercere potest, tam per alias, quam per se ipsum. 3. In locis, qua à Laicis fundata sunt, & à Laicis reguntur. 4. In iis, quorum Administratores a Principe eliguntur. 5. In locis, qua dependent ab Universitatibus, quas Concilium nominatum exceptit, cum eas comprehendere noluit, cap. 5. Sess. XXIV. cap. 9. Sess. XXV. 6. In locis Exemptis; 7. Ea visitare potest, non obstante qualibet consuetudine contraria, etiam immemoriali, & quolibet Statuto. 8. Jus habet invigilandi & providendi, ut fideli ter administrentur. 9. Jus habet concurrendi ad nominationem Administratorum, aliorumque Officialium. 10. Jus reprecendiarum rationum amplius est, quam jus Visitandi; siquidem illud nullum, hoc vero aliquam patitur exceptionem: 11. Rationum reditioni assistere potest, non obstante quod ex consuetudine immemoriali, hoc jus ali acquisierint (quia agitur hic de acquisitione cumulativa, que Episcopum non excludit) itaque minimi refert, an consuetudo sit immemorabilis, nec ne; ideoque Concilium non adjectit clausulam *etiam immemorabilis*, quam in pluribus casibus inferuit, in quibus consuetudo immemorialis consuetudine non immemoriali, validior est. Hæc additio facta rationi ab Autore allata necessaria videtur, ut occurratur objectioni penitæ, ex eo, quod Concilium clausula, *etiam immemorali*, utatur, cum Consuetudini immemoriali derogare intendit, quod tantum facit, cum id postulat argumentum. 12. Rationes Episcopus reposcere potest, non obstante concurso privilegii, consuetudinis immemorabilis, & sententiae declaratoria. 13. Administratores tenentur Rationarium Librum apud Episcopum ferre; 14. Concurrit Episcopus in auditione Rationum cum ceteris, qui jus assistendi acquisierunt, five ex consuetudine, five ex privilegio, aut Statuto Locali. 15. Autoritas Episcopi debet intervenire in solutionibus sicut in rationum redditione.

Regula, quam modo Autor proposuit, exposuitque, tres exceptions patitur: 1. In gratiam Locorum immediata Regum tutelæ suppositorum. 2. In gratiam foundationum, que Ordinarii excludunt ab omni potestate in Loco sic fundata. 3. In gratiam Locorum, qua Religiosi Exempti, aut Militares Ordines, pariter Exempti, regunt. Fratres *Joannis de Deo* non continentur sub hac tertia receptione, quoniam foundatione sua subjiciuntur Ordinario, quoad visitationem, administrationem & rationum redditionem.

A locis Religiosis transit FAGNANUS ad ea, qua non sunt ejusmodi. Proponit hanc regulam, ea Ordinario non subjaceret; idque probat ex *Canonibus*, qui potestatem Episcopi, in Loco Religioso ex eo petunt, quod Religiosa sunt; unde sequitur, ea, qua non sunt talia, ab eis Jurisdictione esse immunia; deinde declarat, assertionem suam comprehendere. 1. Casus in quibus habent Oratorium privatum, vel destinatum ad solum Fundatoris, Ministrorum & eorum, qui recipiuntur, usum; 2. Casus, in quibus Fundator sibi facultatem

eximendi lectos reservat, & loca ad promiscuos usus convertendi.

Postea, à Regulâ excipit casum, in quo Patronus non revocata institutione defunctus est, quoniam tunc locus pius est: Episcopus autem summam praefecturam habet in omnia opera pia, & proinde in Loco ad eorum exercitum destinata. 2. Casum, quo illa visitare cupit, ad inspicendum, an Fundatoris voluntas executionem legitimam fortioratur. In dubio, an autoritas Episcopi in institutione intervenerit, id presumatur, si Loco Ecclesiasticas notas habeant, v. g. Capellam benedictam, Campanile &c. deficientibusque his signis loca Episcopo etiam subjacent, quoniam eorum Incola sunt miserabiles personæ. 3. Casus, in quibus agitur de rationum redditione; quoniam hac in re Concilium Cap. 9. subjicit Episcopo universa Loca pia, sic etiam interpretata est Congregatio.

Autor disputationem hanc claudit quæstione, quæ ad cap. 11. Sess. XXII. attinet, eos excommunicans, qui bona & jura Ecclesiastica usurpat, aut usurpari mandant, aut usurpationi consentiunt; & querit, utrum Universitates, qua Ecclesia administrationem habent, ejusque pecunias mutuo tradunt, excommunicationem incurant? Et respondet negativè; quia non comprehenduntur in Decreto, nec comprehendendi possunt, cum Collegia non subjaceant huic Censuræ; idemque obtinet circa mutantes, quia casus mutui non continetur in Decreto; Censura autem, cum sit odiosa, non nisi in casus nominatos cadit.

Quoad caput 8. Sess. XXV. quod etiam de Xenodochiis, Nosocomiis &c. alii Locis Religiosis loquitur, necessarium videtur hic illud breviter attingere, licet FAGNANUS illud nominatum non exponat. In eo enim Concilium innovat Clem. 2. de Religiosis domib. (sicut fecit cap. ult. Sess. VII. suprà ab Autore exposito) quod prohibet Hospitalia in Titulum Clericis secularibus conferri, nisi fecis ferat fundatio, aut per electionem sit de Rectore hujusmodi Locis providendum, statuitque, ut eorum gubernatio viris providis, idoneis & boni testimonii committatur, qui proventus in usus destinatos fideleriter dispensent, & ad instar Tutorum & Curatorum jura mentem praesent. Concilium Tridentinum de fide administrationis loquitur, quoad Titulares, qui non minus ad eam astringuntur, quam ceteri, & declarat, eos teneri ad restitutionem omnium fructuum, quos in alios usus, quam in eos, quibus destinati fuerant, converunt; adiicit, quod si in loco non reperiantur persona qualitatem in fundatione requisitam habentes, Ordinarius adhibeat fructus ad usus maximè institutioni accedentes, quod justum est, cum Beneficia, qua ad certum Hospitalitatis genus astrinxunt, five ad senum, five peregrinorum, five agrorum, five Orphanorum hospitium, quoad Titulum sint ejusdem naturæ, ac cetera Beneficia, eo quod, ut ista, munera Ecclesiastica annexa habeant. FAGNANUS quæstionem tractans, an Pontifex possit absque simonia vendere Beneficia, & decidens cum Theologis contraria Canonistarum vulgus, non posse; decisionem suam extendit ad Hospitalia Beneficia, in cap. 4. de pânis. Argumentum ibi enucleat discutique, atque ea, qua, tum ex illis refert, tum ex se ipso promit, legi merentur.

CAPUT IX.

*Capita 9. II. 12. de Clericis non residentibus
Caput 3. de sepulturis.*

T Extus hi ad obligationes, five officia Beneficiatorum, maximè ad residentiam pertinent. FAGNANUS in suo circa eos Commentario exponit cap. I. Sess. VI. cap. I. Sess. XXIII. cap. 12. Sess. XXIV. Primum ad Episcopos spectat: alterum, ad Episcopos, & Parochos: tertium ad Beneficiarios Cathedralium & Collegiarum, quoad residentiam. Cum obligatio ad residentiam nascatur ex officiis, qua Beneficiis annixa sunt, Concilium de hac obligatione loquens.

quens, breviter perstringit officia, quæ illam imponunt, & fusiū agit de causis, quæ à residentiā dispensant, de tempore, quæ Beneficiati majores fructus absque residentiā lucrantur, eoque, quo non residentes eos amittunt; de penīs non residentium, & modo procedendi adversi ipsos. Autor hæc omnia exponendo, maximè circa mutationes immoratur, quas Concilium in Jure veteri circa hanc rem induxit.

Cum *Ragusinum* Capitulum coram INNOCENTIO III. conquestum esset, Archiepiscopum ab Ecclesiā suā quatuor annos continuos absuisse sine licentiā, monitumque à Capitulo non rediisse, jubet Pontifex, ut, si intrā mensē, quo Decretum sūm à Capitulo fuerit acceptum, non redierit Archiepiscopus, ad electionem novi Archiepiscopi Capitulum procedat. Inde FAGNANUS occasionem arripit exponendi *Canones* veteres & novos circa residentiam, & maximè immoratur circa Statuta Tridentina in hanc rem, docetque, quod juxta hoc Concilium *Cap. I. Sess. VI.* si Episcopus sex Mensibus continuis sine legitimā causā abfuerit, Concilium eum quartā redditum annuorum parte privat, Fabricis aut Pauperibus largiendā; & si absentia per sex alios Menses continuos perseveret, eamdem penā sancit Concilium. Erogatio hæc, quoad Suffraganeos, ad Metropolitanum pertinet. Quod si Episcopus absentiam prorogaverit, Metropolitanus id Pontifici intrā tres Menses significabit sub pena interdicti ab ingressu Ecclesiā ipso facto incurandi: si Metropolitanus ipse deliquerit, ad antiquorem Suffraganeum cura monendi Pontificis devolvitur, quam si neglexerit, eidem interdicto subjicitur. Monitus Pontifex reum coercere poterit pro contumacia gravitate aliumque Prelatum ejus Sedi sufficere. Huic dispositioni *cap. I. Sess. XXIII.* adjicit, quod, prater penas prædictas & peccatum mortale, absens sine causā legitimā, fructus amittit, pro ratā absentia, eosque Fabrica, Pauperibus ve erogare tenetur; quod si omiserit, Superior ejus defecum supplere poterit: item declarat, fructus demitti non posse Episcopo sub compositionis lege, quam improbare videtur.

Data ejusmodi horum *Capitum*, quoad penas, summā; objicit sibi FAGNANUS, videri Concilium, quod novas ferre penas intendebat, non debuisse innovare Canones veteres: & respondet, innovationem habere locum, quoad culpam, & quoad pœnam privationis, quam Concilium non pronuntiat.

Deinde, posteriora Concilio Pontificum Decreta refert, quæ videri possunt, sed à proposito nostro sunt aliena.

Tum duas Quæstiones proponit. Prior est, an Episcopus, qui annum integrum in sua Diœcesi transigit, nullatenus residendo in Ecclesiā Cathedrali, incurrit penas? &c. Respondet negativè; quia Concilium de residendi obligatione loquens, his verbis utitur, *in Diœcesi, aut Ecclesiā*. Posterior est, an residentia præcepto satisfaciat? Respondetque iterum negando; quia secundum Canones veteres, Episcopus in suā Cathedrali præfertim degere debet, quoniam ea ipsi magis cohæret, ac est eorum prima, in quā suum Consilium habet, quo uti debet, in consilendo aliorum necessitatibus, & juxta Concilium Tridentinum, Adventum, Quadragesimam, & Festa solemnia transigere debet Episcopus in Ecclesiā Cathedrali, nisi cum aliarum necessitates alio vocaverit.

Discursum hunc claudit quatuor descisionibus Congregationis circa residentiam Episcoporum. 1. est, Episcopum tres absentia Menses sibi quotannis concessos, cumulare non posse cum tribus Mensibus anni sequentis, ita, ut sex continuos Mensibus absit, tribus scilicet posterioribus aliquibus anni & tribus prioribus subsequentibus; quoniam id Concilii Decretis contrarium est, quæ semestrem absentiam continuum prohibent, jubentque, ut in Cathedrali sua resideat Adventus ac Quadragesima tempore, & in Festis solemnibus.

bus, quorum plura in sex Mensibus continua reperiuntur.

2. Est, eum non posse cumulare quatuor Menses, qui ipsi in unoquoque triennio conceduntur ad invisa Apostolorum limina, cùm quatuor Mensibus triennii sequentis, ita, ut post primam peregrinationem, secundam continenter adjiciat.

3. Est, æquum aut congruum non esse decidere generatim, an Episcopus prospiciens negotium, cuius causā absentiam meditatur, tres ultra Menses duratram, ante protectionem suam licentiam postulare debeat, an solū sub finem trium Menſium eamdem veniam petere? Decisio autem ferenda est, juxta circumstantias occurrentia caſum.

4. Est, Episcopum, qui pluribus annis resedit, abstinentiā a tribus Mensibus ad absentiam sibi concessis, non posse licentiam absentiae absque causa legitimā postulare. 1. & 2. applicari debent omnibus Beneficiatis, quibus certum absentia annua tempus à Jure conceditur.

Quærri potest, quomodo fieri possit, ut, si Episcopus tres ultrā Menſes abfuerit, omnes fructus post hoc trimestre obvenientes amittat, & si absentiam ultrā sex Menses protelaverit, quartā redditum parte spoliatur, & si in eadē culpā perseveret, aliā quartā privetur? sic enim si ultrā annum abfuerit, redditum dodrante amittit, & consequenter quadrantem, plus quam fert pena absentia annua.

Circa hanc speciosam contrarietatem dici potest, priorem penam eos respicere tantum, qui citrā sex Menses & ultrā tres Menses absunt: alteram eos, qui suprà sex Menses absunt: vel, primam spectare forum interius, alteram forum exterius: vel denique, hanc deduci debere ex fructibus residentiā acquistis. Hæc tertia interpretatio magis placet, & à Congregatione Cardinalium profecta est. Vid. *FAGNAN. in cap. II. de quo mox agemus. num. 15. & 24.* ea Parochos perinde ac Episcopos spectat.

CAPUT X.

Caput II. de Parochis non residentibus.

IDem Pontifex INNOCENTIUS III. consultus circa Parochos non residentes, qui latitabant, ut vitarent monitiones Canonicas personæ factas aut in loco domicili, jubet publicari tres monitiones five tria Citationum edita atque affigi januis Ecclesiā, post quas monitiones sex alios Menses expectabuntur Curati, quo tempore elapsi, iis non regressis, Ecclesiis suis eidem privabuntur. Poterit etiam Legatus contrà eos procedere per Censuras suspensionis & excommunicationis, quibus effectu carentibus, Legatus iis administrationem spiritualium auferre poterit; atque in eorum locum substituere viros ad bonam administrationem idoneos; verū abſinebit ab eorum degradatione, ut si revertantur, faciliter eis præterite ignosci atque condonari possint. Multas procedendi vias proponit Pontifex, quarum aliae rigorem, aliae misericordiam exhibent. Monitiones in utrisque necessaria sunt. Si cognoscatur locus ubi versatur absens Parochus, monitiones in eo loco fiunt; unica peremptoria sufficit, eamque publicare non est necessarium; tres semper requiruntur, eaque publicari debent, cum ignoratur residentia locus.

Concilium introduxit novam procedendi methodum adversus Parochos non residentes, perinde ac contrà Episcopos non residentes: subtractionem scilicet fructum per partes, ita, ut ipsis superfit undē alantur. Causæ, quæ Episcopos excusat Parochis quoque patrocinantur. Utrique tres Menses ad absentiam concessos habent, modò legitima causa suppetat. Parochi quadrantem anni redditus amittunt absentiam ultrā Menſes sex prorogantes; eamdem penam incurunt, si culpam eamdem intra sex Menſes